



Här Fernand Etgen
President vun der Chamber

Lëtzebuerg, den 1. Februar 2021

REÇU
Par Aff Christian, 11:32, 01/02/2021

Här President,

Esou ewéi den Artikel 84 vum Chambersreglement et virgesäit, biede mir lech, dës drénglech parlamentaresch Fro un den Här Minister fir bannenzeg Sécherheet weider ze leeden.

Well am Grand-Duché de sougenannte „Catcalling“, also verbal sexuell Belästegung am öffentleche Raum a Form vun netubruechte Bemierkungen oder Nopäifen, am Géigesaz zu aneren Europäesche Länner wéi Frankräich, der Belsche oder Portugal, net strofbar ass, huet d’Police rezent recommandéiert datt Fraen Nuets net sollten eleng rausgoen.

Zu Lëtzebuerg mussen d’Täter réischt mat enger Strof rechnen am Fall vu Beleidegungen, Beréierungen oder Gewalt.

An dësem Kontext gëfe mir gäre folgend Froen un d’Regierung stellen:

- War den zoustännege Minister am Virfeld iwver dës Recommendatiounen informéiert?
- Deelt d’Regierung d’Meenung datt esou Recommendatiounen eng Abdicatioun vum Rechtsstaat sinn?
- Wa jo, wat gedenkt d’Regierung kuerzfristeg ze ënnerhuelen?

Här President, mir bieden lech eisen déifste Respekt unzehuelen.

Laurent Mosar
Deputéierten

Léon Gloden
Deputéierten